

ادبیات عمومی و محبوسه

هفته‌لق سیاسی ، ادبی ، علمی غزته‌در



جلد : ۳

سنه : ۲ ۶ ربیع الاخر ۱۳۳۶ جمعه ايرتسی ۱۹ كانون ثانی ۱۹۱۸ نوسرو ۲۰ — ۵۱

ایران و بیانیات ادبیات مؤثری

پایتخت خلافت ، شامدن بغداده انتقال ایتسه‌یدی ، عربك شیعه قديمه‌سی پایداری اوله‌جق ، ویا کندی استعداد جلیسی داخلنده دوام و تکامل ایده‌بیله‌جکی ایدی ؟.. ظن ایتیم . و او یله ظن ایدیورم که بوسفرده ملاذمدلرینی یونان ، روم ، بیزانس مدنیتلرینک انقاضندن وجوده‌کثیره‌جکوردی . حتی یونان قديمك فلسفه‌سی ، مأمون دورندن بؤکونه قدر وجدان اسلامك برحاکم متحکمی بولنیور . اقوام محکومه‌یی رام ایتک ، حتی رام ایتک دکل ، اوکا رام اولماق ایچون یالکیز غلبه سیغیه کفایت ایتز ، غالبیت تمدنیه‌ده لازمدیر . تاریخده هیچ برقوم مستولی کور یله‌مزکه ضبط ایتدیکی ، ییقديغی ، یاقديغی یرلرده کندیته متفوق بر جمعیت متمدنیه تصادف ایدنجه اونک ، آرز چوق ، محکوم مآثری اولماسون . ایشه عربك عجمله تصادم واختلاطندن ده بونتیجه حاصل اولدی .

اسلامك اك بيوك حکماسی ایرانك عرق نیچیندن ظهور ایدیوردی . واقعا بونلر عربجه یازدیله فقط عجمجه دوشوندیلر . عجم کوز یله کوردکلرینی ، عجم قلیله طویدقلرینی عرب لسانیه افاده ایدیورلردی . هرشیدن زیاده ادبیاتیه مباهی بولنان وفلاسفه یونانك آثارینی اخذ ایدرکن یونان قديمك اشعارینی کندی شعرلرینک فوقنده تصور ایده‌مدیکی ایچون اقتباس وترجه ایتکده امال وغفلت ایتمش اولان عرب ، عجمك لسان ساقطی هنوز طوغرولمه‌دن کوردی که کندی شعرنده ممتنع‌التظیر و بی‌نظیر ظن ایتدیکی شعرنده فرس قديمك روح شائق ترنم‌ساز اولیور .

بيك تاريخندن صوکره کلن شعرانك اك بيوکلرندن اولان شوکت بخارینک شوکوزل بیقی بوسطرلری بازارکن ده خاطر مه‌کلدی . زواللی شهزاده در بدر دیرکه :

زان برق بی‌نمود جهان لاله زار شد

کشن پراز کل است و بهار از میان کم است .

أوت ، بر بهار غائبك آب و تاب فیاضی عربك کلزار اشعارنده یکی لاله‌لر و یکی کلزار ابداع ایدیوردی . عربله عجمك اختلاطندن صوکره ایکی قوم اراسنده متوالی بر مبادله الفاظ وافکار اولدی . عرب عجمه کلمات ، عجمده عربیه معنی اعاره ایدیوردی . و بوسایه‌ده هم اسکی عربك ، هم ایران قديمك روخنده بر مجدد ، برحالت خصوصیه حاصل اولدی .

مفصلتی تاریخ حرب و سیاست

[۹ - ۱۶ کانون ثانی ۱۹۱۸]

صلح مذاکرانی - ائتلاف ربهانک نظری

(برهست - لیتووسق) ده باشلایان مذاکرات صلحیه کمال گرمی ایله دوام اییدیور . شیمدی به قدر ، بوتون مسائل سیاسیه ده اولدینی کبی ، حربله نهایت ویرمن صلح مذاکره لری ده خفیا جریان ایدر و آنجق آزا صیرا بعض معلومات ترشح ایلر ایدی . حال بوکه (بولشهویک) اساساقنه پک صادق اولان روس مرخصلرینک طلیله ، ایلك جلسه ده قرار ویرلدیکی اوزره ، بوتون (برهست - لیتووسق) صلح مذاکراتنک جریانندن منتظماً و مفصلاً اطرافه معلومات ویرلمکده و جهان مدنیت خطوه بخطوه بو امثالی نامسبق مذاکرانی تعقیب ایده بیلیمکده در . هر جلسه ده مرخصلرک مطالب و مدافعاتی تلغرافلر و غزته لر واسطه سیله نشر ایدیلیور . بناء علیه ، غیور انسانیت مدافع لری اولان روس (بولشهویک) - لرینک همتیه ، بوتون عالم یکی برشکده ، غیرخفی بر دیپلوماسی اصولنه شاهد اولیور .

بو صلح مذاکراتنک دیگر برخاصه سی ده اوار . ابتدا یالکز « روسیه جمهوریتی » ایله مذاکرات صلحیه به کیریشلمش ایکن بودفعه باشقه مرخصلر ده پیدا اولدی : مستقل (اوقراینا) جمهوریتی مرخصلری . فی الحقیقه روسیه نک ، چارلغک برلشدیردیکی ، اقسامی بربرندن آریلیور ، بورالرده مستقل دولتلر تشکیل اییدیورکه بونلردن بری ده (اوقراینا) جمهوریتیدر . بویکی مستقل دولت ده ، (برهست - لیتووسق) مذاکرانه اشتراکه بوتون دولتلرک دعوت ایدلمش اولماسندن استفاده ایده رده مرخصلرینی کوندردی . بوهفته ظرفنده ، اوزون بر جلسه ده بو مرخصلرک صلح قونفرانسنه قبول ویا عدم قبولی مسئله سی مناقشه ایدیله رکه ، روس باش مرخصی خارجیه قومیسری (تروچکی) طرفندن ده بیان ایدلدیکی وجهه ، کندی مقدراتنه حاکم و مستقل اولان (اوقراینا) جمهوریتی مرخصلرینک ده آریجه بر دولت مرخصلری شکنده قبوللری و مذاکرانه اشتراکاری تقرر ایتدی .

آنجق ، بو حال مذاکرات صلحیه نک اوزایوب سورونجمه به دوشمه سی تهلکه سنی اظهار اییدیور . زیرا روسیه ده (اوقراینا) دن باشقه (فنلاندیا) و (لیتوانیا) ، حتی (قفقاسیه) و (دون) ایالتلری استقلاللری ده موضوع بحث اولدیغندن بونلر طرفندن مرخص کونده رلمکه قالدیشیلیرسه ، هر هیئت مرخصه نک مذاکرانه اشتراکی ایشی اوزانه جق ، صلحک امضاسنی تأخیر ایده جکدر . باقلم بویله هیئات مرخصه سوکون ایده جکمی ؟

شیمدیکی حالد طرفین مرخصلری عمومی ویا خصوصی جلسه لرله چالیشیورلر . آرتق ، روسلرک بردن میدانه چیقاردقلری بی طرف برشهرده مذاکرانه دوام ادعاسی ، ایلك جلسه ده آلمان خارجیه ناظری فون (کولمان) ایله آوستریا - مجار خارجیه ناظری قونت (چرنین) کمدافعاتیله صنویه دوشدی و مذاکرانه (برهست - لیتووسق) ده دوام ایدلمه سی قرارلاشدیرلیدی . زیرا (برهست - لیتووسق) ده مرخصلرک مملکتلریله تلغراف مخابره لری قولای اولدینی کبی ، بیطرف بر مملکتده ده ائتلاجلرک تزویراتی تهلکه سی واردی . تشکر اولنورکه روسلر ادعالرنده کی سقامتی کوره رده ک ، فضله ایلری به وارمادیلر .

صلح مذاکراتی هنوز اساسی صورتده ایله یله مه دیسه ده ، کلن خبرل نتیجه یه ، طرفینک تسهیلات متقابل سیله ، سریعاً وارمق قابله اولمجنی تأیید ایدیورلر . برقاچ کونه قدر ده ا اساسی و بشارت صلحی مبین حوادث ورودی بک مأمولدر .

❁ (برهست - لیتووسق) مذاکراتی جریان ایدرکن روسیه دن اتفاق مربع مملکتلرینه - بالطبع عسکری سانسوره تابع اولق شرطیه - مکتوب قبوله باشلانیدیگی کبی ، آریجه روسیه ایله مناسبات اقتصادی تأسیس و تنظیمه مأمور اتفاق مربع مرخصلری ده پترسبورغه وارمش بولنیورلر ، بومیانده آتنه سفیر سابق غالب کالی بکک تحت ریاستنده کی عثمانی مرخصلری ده پترسبورغه وارمشلردر . ابو اقتصادی مذاکراتک ده (برهست - لیتووسق) مذاکرات اساسیه سنه یاقین بر درجه ده حائز اهمیت اولدیغنی سویله مکه لزوم واری ؟

❁ یالکز (برهست - لیتووسق) مذاکراتی بوسبتون باشقه بر شکلده جریان اتمکده اولماسیله جلب انظار اتمه یور . قوجه روسیه چارلنی اوزرنده هرکون یکی بر حکومتک منظار کبی چیقمده اولماسی ده بک مهم بر دوره تاریخده بولوندیغمری اثبات ایدیورلر . لهستان ذاتاً اتفاق مربعجه برقراللق اولارق احداث ایدلشدی . روس انقلاب اخیرنده ایسه (فنلاندیا) ، (اوکراینا) استقلاللری توالی ایتدی . فنلاندیا ، من القیم غراندوقه لق شکنده و نیم مستقل یاشامش اولدیغنی ایچون استقلاله حاضرقلی ایدی . و بودفعه بکک اتفاق مربع وکک ائتلاف حکوماتی طرفندن استقلالی تصدیق ایدلدی . حتی ایلک سفیر اوله رق ، اسومچ طرفندن (هلسینگ فورس) . مأمور سیاسی بیله کونده رلدی . (اوکراینا) مرخصلرینک مذاکرات صلحیه ده آیری بر دولت مرخصلری کبی تلقی ایدله سنه قرار ویرله سی ، اتفاق مربعک بوجهویتی ده طانیدیغنی کوسته در . هنوز ائتلاف دولترلندن رسماً بر تصدیق یوقسه ده اونلرکده (فنلاندیا) کبی اوکراینای تصدیق ایدم جکری تخمین اولونیور . (لیتوانیا) نکده روس عسکرلری طرد ایتدیکی سویله نیور . هر حالده بر سنه اوله قدر دنیانک اک معظم سیاسی بروحدتی اولان چارلق روسیه سی بوکون طاینماز بر حاله کلشدر . و بو حالدن اک زیاده بز تورکلرک ممنون اولاجمنز درکاردر . ۱۸۰ میلیون نفوسلی بر روسیه یرینه ، بریسی توران عرقندن بر فنلاندیا ، بریسی ۲۰ - ۲۵ میلیونلق بر اوکراینا یه وینه بریسی اک زیاده مسلمان و تورکلرله مېکون بر قاقاسیه یه ، بر قریحه قومشواولق البته ایشیمزه بکک اویغون کلیر .

❁ ائتلاف رجالی ، لوئید جورج ، ویلسون ، پیشون یکدیگری متعاقب برز نطق ایراد ایدیلر . هراوچنک لسانی بردر . یعنی کیمه یی ازمک ایسته مه یورلر مش . ده موقراسینک و حریتک غلبه سنی ایسته یورلر مش . کوچک ملتلك حقلرینی ایسته یورلر مش . دواملی بر صلح و ملتلك سربستی انکشافی اسبابی استحضر ایسته یورلر مش . بونلر اسکی فقرات ایسه ده دها ملایم بر لسانله سویله یورلر و دها زیاده ، - روس انقلابندن و (برهست - لیتووسق) مذاکراتندن متأثر اولدقلری واضحاً آکلاشیلر صورتده - حقوقه رعایتکار کورونمکه چالشیورلر . ائتلاف رجال حاضره سی بوقفالرده دوام ایتدجه اونلرله صلح اولاماز و مملکتلرینی آنجق شره سور و کله مش اولورلر . البته بونی زمان کوسته ره جکدر . یالکز شونی ممنونانه قید اتمه لی یزکه (لوئید جورج) بیاناتنده بالخاصه بزه متعلق بکک مهم بر تبدل لسان کوسته رمشدر . تورکیانک بوغازلرده و استانبولده قله بیله جکنی و تورک ولایانده عثمانی حاکمیتک حکمفرما اولماسنه موافقت ایدله جکنی سویله یور . حالبوکه کچن سنه کولزی هوایه صاوور یورلردی . غالباً کردش وقوعات اونلره دها چوق دیل دوندوره جک .

❁ حرب جبهه لرنده ، هیچ بر طرفده ، مهم بر حادثه یوقدر .